



Broj: 06-1-07-1-1288/22

Sarajevo, 16.06.2022. godine

Na osnovu člana 2.9 stav (1) tačka 14, a u vezi člana 1.10 stav (1) tačka 1. i stav (2) i člana 13.6 stav (1) Izbornog zakona Bosne i Hercegovine („Službeni glasnik BiH“, br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 11. i 15. Uputstva o dodjeli i prestanku mandata ("Službeni glasnik BiH", broj 27/22), u pravnoj stvari prestanka mandata Zuka Almira, vijećnika u Općinskom vijeću Fojnica, Centralna izborna komisija Bosne i Hercegovine je na 28. sjednici, održanoj dana 16.06.2022. godine, d o n i j e l a

O D L U K U

o prestanku mandata i dodjeli mandata sljedećem kvalificiranom kandidatu

(1) **Zuka Almiru**, vijećniku u Općinskom vijeću Fojnica, izabranom na Lokalnim izborima 2020. godine sa liste političkog subjekta SDA-STRANKA DEMOKRATSKE AKCIJE, utvrđuje se prestanak mandata sa danom podnošenja ostavke, 06.06.2022. godine.

(2) Upraznjeni mandat iz člana (1) dispozitiva ove Odluke dodjeljuje se **Selimović Nasiru**, sljedećem kvalificiranom kandidatu sa liste političkog subjekta SDA-STRANKA DEMOKRATSKE AKCIJE.

O b r a z l o ž e n j e

Općinsko vijeće Fojnica dostavilo je Centralnoj izornoj komisiji Bosne i Hercegovine, dana 08.06.2022. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Zuka Almira, te potpisan i od strane predsjedavajućeg Općinskog vijeća Fojnica, a kojim je Zuka Almir, dana 06.04.2022. godine, podnio zahtjev za utvrđivanje prestanka mandata vijećnika u Općinskom vijeću Fojnica, a iz razloga privatne prirode, kako je u obrascu navedeno.

U telefonskom kontaktu sa Zuka Almirom, dana 14.06.2022. godine, potvrđena je vjerodostojnost i svojevrijnost podnesenog zahtjeva za utvrđivanje prestanka mandata u Općinskom vijeću Fojnica, u skladu sa članom 2.9 stav (1) tačka 14. Izbornog zakona Bosne i Hercegovine.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 13.6 stav (1) Izbornog zakona Bosne i Hercegovine, mandat vijećnika u Općinskom vijeću Fojnica dodjeljuje se Selimović Nasiru, sljedećem kvalificiranom kandidatu sa liste političkog subjekta SDA-STRANKA DEMOKRATSKE AKCIJE.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 13.6 stav (1) Izbornog zakona Bosne i Hercegovine, te člana 11 i člana 15. Uputstva o dodjeli i prestanku mandata, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.



Dostavljeno:

- Zuka Almir,
- Selimović Nasir,
- O.V. Fojnica, nakon pravomoćnosti,
- a/a.